

RENTEVRYE STUDIELENINGS



Beste Student

Helpende Hand Studietrust (HHST) inligtingstuk vir studente wat by tersiêre instellings in Suid-Afrika studeer. (Akademia, Sol-Tech en Bo-Karoo Opleiding uitgesluit)

Indien jy by 'n geakkrediteerde tersiêre instelling in Suid-Afrika ingeskryf is, hetsy, Deeltyds of Voltyds, kan jy aansoek doen vir 'n gedeeltelike, rentevrye studielening wat hoofsaaklik vir klasgelde aangewend word. HHST bied ongelukkig nie beurse aan nie. Sien Algemene Inligting.

Studente wat vir 'n kort kursus geregistreer is (minder as 12 maande) kan ons kontak vir meer inligting met betrekking tot studiehulp by studente@helpendehand.co.za.

AANSOEKPROSES

Studente doen jaarliks aansoek, tussen **1 Julie en 30 September**, vir die volgende studiejaar. Die **Studietrust** handhaaf baie streng spêrdatums vir aansoeke en die indiening van dokumentasie. Geen aansoeke sal buite die vasgestelde aansoektydperk aanvaar word nie.

STAP 1 : Besoek ons webblad by: <https://hh-studietrust.co.za/>

STAP 2 : Registreer en skep 'n aanlyn profiel : <https://aansoek.studiefonds.co.za/registreer>

STAP 3 : Teken in op jou nuwe aanlyn profiel en voltooi die aansoek

STAP 4 : Suksesvolle kandidate moet jaarliks tussen **1 Julie en 30 September** heraansoek doen vir die volgende studiejaar

DOKUMENTASIE WAT TYDENS DIE AANLYN AANSOEKPROSES BENODIG WORD

Om in aanmerking te kom vir 'n studielening, moet 'n volledige aansoek tussen **1 Julie en 30 September** aanlyn ingedien word.

Indien een of meer dokumente nie teen **30 September** beskikbaar is nie, moet 'n verklaring in dié verband in die plek van die dokument ingedien word. Dit is die aansoeker se verantwoordelikheid om die verklaring so spoedig moontlik ná **30 September** aanlyn met die korrekte dokument te vervang.

Die **Studietrust** aanvaar geen verantwoordelikheid daarvoor om seker te maak dat 'n aansoeker se aansoek volledig is wanneer dit aan die studiefondskomitees voorgelê word nie.

Die volgende dokumente word benodig om aansoek te doen:

- Bewys van inkomste van die aansoeker en alle persone wat finansiële vir die aansoeker sorg
- Die aansoeker se nuutste puntestaat
- Bewys van die aansoeker se hoogste kwalifikasie (indien van toepassing)
- Identiteitsdokumente van die aansoeker en almal in die aansoeker se huisgesin (indien van toepassing)
- Bewys dat die aansoeker by die tersiêre instelling geregistreer is
- Bewys van Studiekostes: Kontak die toepaslike tersiêre instelling vir 'n kwotasie
- Ander dokumente afhangende van die aansoeker se omstandighede, byvoorbeeld 'n beëdigde verklaring in die geval van werkloosheid of 'n getuigskrif van 'n maatskaplike werker indien die aansoeker in 'n kinderhuis woonagtig is



ALGEMENE INLIGTING

Die **Studietrust** help met gedeeltelike, rentevrye studielenings vir klasgelde by enige geakkrediteerde tersiêre instelling in Suid-Afrika. Aansoekers moet **tussen 1 Julie en 30 September** aanlyn aansoek doen. Geen beurse word toegeken nie, aangesien die terugbetaling van een studielening weer die toekenning van 'n volgende moontlik maak.

Geen studielening word goedgekeur vir vakke wat gedruip is of herhaal moet word nie en ook nie vir agterstallige gelde nie. Indien die student sekere vakke nie slaag nie, bly hy of sy steeds verantwoordelik vir die terugbetaling van alle lenings wat vantevore toegestaan is.

Volledige aansoeke wat voor 30 September ontvang is, word voorgelê aan die studiefondskomitees wat die toekenning van studielenings behartig. Elke onafhanklike komitee het hul eie reëls en bepalings. Daar word aan elke volledige aansoek 'n punt toegeken wat volgens die **Studietrust** se maatstawwe bereken word. Die punt word onder meer op grond van die volgende kriteria bereken:

- » Die aansoeker se akademiese prestasie
- » Die gesin se maatskaplike omstandighede
- » Die gesin se samestelling (hoeveel mense daar in die gesin is)
- » Die gesin se gesamentlike inkomste per jaar

Lede van **Solidariteit** en ondersteuners van **Helpende Hand** ontvang ekstra punte aangesien die **Studietrust** 'n inisiatief van **Helpende Hand** is en Helpende Hand deel is van die **Solidariteit Beweging**. **Let daarop dat lidmaatskap ekstra punte beteken, maar nie outomatiese goedkeuring nie.** Aansoekers mag hul ouers se Solidariteit- of Helpende Hand-lidnommers op hul aansoeke invul. Die studiefondskomitee mag van 'n goedgekeurde kandidaat verwag om as lid of ondersteuner aan te sluit.

Om 'n ondersteuner van **Helpende Hand** te word, moet u 'n vrywillige bydrae van minstens R50 per maand maak om ons in staat te stel om ons **Studietrust** en ander nasionale projekte te befonds.

Klik hier om die ondersteunersvorm te voltooi.

Die **Studietrust** beveel aan dat die student self aansoek doen en dat ouers dit nie namens die student doen nie. Dit is die aansoeker se verantwoordelikheid om alle inligting oor die **Studietrust** **deeglik deur te lees**, seker te maak dat die aansoek volledig en betyds ingedien word, en betyds op verdere kommunikasie te reageer. Nadat die toekennings deur die studiefondskomitees afgehandel is, word die studente van die uitslae in kennis gestel. Dit is die student se verantwoordelikheid om die tersiêre instelling in te lig indien 'n studielening toegeken is.

Studente wat 'n toekenning ontvang betaal 'n minimum paaïement van R100 per maand terug terwyl die student studeer. Die terugbetaling van die oorblywende balans van die hoofskuld vind in gelyke paaïemente plaas, binne 'n tydperk gelykstaande aan die aantal jare waarvoor die student 'n studielening ontvang het.

KONTAKBESONDERHEDE

Tel: 012 111 8360 (opsie 1 op die keuselys) | studente@helpendehand.co.za

www.hh-studietrust.co.za
www.helpendehand.co.za